



Divi Thomae Aqvinatis Doctoris Angelici Opera Omnia

Summa diligentia ad exemplar Romanæ Impreßionis restituta

Complectens Tertiam Partem Summæ Theologiæ. Cum Commentariis
Reuerendiss. D. Thomæ de Vio Caietani Cardinalis S. Sixti, Et Opvscvlis
Eivsdem In tres Tomos distinctis

Thomas <von Aquin, Heiliger>

Venetiis, 1593

Ad Nicolavm A Flisco Episcopvm Cardinalem Sabinensem. Thomæ De Vio
Caietani, Tunc ordinis Prædicatorum Generalis Magistri, Nunc Sancti Xysti
Cardinalis, in comparationem autoritatis Papæ, & ...

[urn:nbn:de:hbz:466:1-72797](https://nbn-resolving.org/urn:nbn:de:hbz:466:1-72797)

AD NICOLAVM A FLISCO EPISCOPVM
CARDINALEM SABINENSEM.

THOMÆ DE VIO CAIETANI,
Tunc ordinis Prædicatorum Generalis Magistri,

Nunc Sancti Xysti Cardinalis, in comparationem autoritatis
PAPAE, & Concilij.

P R Æ F A T I O.



AMETS I puto, Pater amplissime Flisce, eam comparationem quam nuper de Pontificis maximi Ecclesiæque totius auctoritate scripsi, à multis hac tempestate, quemadmodum in diuersa studia scinduntur, ita dissimili ratione esse legendam, acceptandam, diiudicandam: omnibus tamen gratum fore puto, vel minimarum rationum, quæ ad hanc rem inusitatam, consentaneam tamen, his temporibus afferuntur, fieri certiores. Aduersariis quidem & æmulis, ut impugnent: amicis, ut ea, quæ veritatis sunt, defendant: cæteris autem, ut præsto ad legendum habeant quid de tanta, his temporibus concursatione, maximaque & olim sæpe & in præsentia contentione, sit constituendum. Ego Prædicatorum ordinis (Romanæ ecclesiæ veritatisque studiosissimi) generalis Magister, hanc summæ autoritatis comparationem, in defensionem quidem veritatis, & sedis Apostolicæ, non ut hominibus placeam (quamquam si id quoque assecutus fuero, non aspernabor) sed ut Iesu Christi veritatisque seruus sim, libere scripsi, tibi que in præsentiarum, & dedico quidem rectè, & perquam libenter inscribo, quòd ab illa sede, quam defendo, & quam Fliscorum ornatissima familia tua ornatissimis viris, Episcopis, Cardinalibus, & summis Pontificibus semper ornauit, ipse sis tandem summis honoribus exornatus. Quumque te optimum Prædicantium ordinis protectorem, & conciliandæ conseruandæque ecclesiasticæ vnitatis, & veritatis amplificandæ vehementer cupidum esse sciam, nil ambigo, quin ea, quæ pro veritate, & tanta autoritatis vnitatis, atque concordia ex eo ordine à me tibi inscripta dedicataque sunt, gratos, animo, & qua polles probitate & benignitate singulari suscepturus, atque habiturus inter cætera sempiternæ voluntatis, & obseruantia erga te meæ testimonia. In æuum Vale.